

**ՊԱԿ-Ի ԱԶԴԵՑՈՒԹՅՈՒՆԸ ԽՍՅՄ ՀԱՍԱՐԱԿԱԿԱՆ-
ՔԱՂԱՔԱԿԱՆ ԳԻՏԱԿՑՈՒԹՅԱՆ ԿՐԱ 1980-ԱԿԱՆ ԹԹ.**

Հատուկ ծառայությունները, հանդիսանալով տվյալ պետության համազգային շահերը պաշտպանող առաջնահերթ ուժային կառույցը, պատմական տարբեր ժամանակահատվածներում իրականացրել են տարբեր առաքելություններ: Հատուկ ծառայությունների գործունեության արդյունքում ձեռք բերված կարևորագույն տեղեկատվության յուրացումն էլ բազում հակամարտությունների պատճառ է դարձել հատկապես հետպատերազմյան աշխարհում: Այս իրողությունները բխում էին հատուկ ծառայություններին «օգտագործելով» համաշխարհային տիրապետության հասնելու անհրաժեշտական նկրտումներից: «Սառը պատերազմի» գլխավոր մասնակիցների՝ ԽՍՀՄ-ԱՄՆ (համապատասխանաբար հատուկ ծառայությունները ՊԱԿ-ԿՀԿ) պայքարի և ԽՍՀՄ ներքաղաքական զարգացումների համատեքստում հարկ ենք համարում համակողմանիորեն վերլուծել ՊԱԿ-ի ազդեցությունը նախկին ԽՍՀՄ ազգաբնակչության հասարակական-քաղաքական գիտակցության վրա 1980-ական թթ.: Այդ ազդեցության հետևանքները իրենց արդիականությունը չեն կորցրել առ այսօր:

20-րդ դարի վերջին ԱՄՆ կարողացավ հասնել իր արտաքին քաղաքականության շուրջ կեսդարյա վաղեմություն ունեցող գերխնդրի իրականացմանը՝ ԽՍՀՄ փլուզմանը: Այս իրադարձությունը Արևմուտքում ոչ միանշանակ կերպով մեկնում են որպես «սովետական վտանգի վերացման», միաբևեռ աշխարհակարգի պայմաններում ամերիկյան հիպերտեղության քաղաքական և տնտեսական դիրքերի ամրապնդման ժամանակաշրջան¹: Լուրջ հաջողություններ արձանագրեցին նաև արևմտյան հատուկ ծառայությունները: Պատմության քառերաբեմից հեռացավ հզորագույն ՊԱԿ-ը, որը ամերիկյան ԿՀԿ-ի և իսրայել-

¹ ԱՄՆ-ում ԽՍՀՄ փլուզման հետ կապված խիստ իրարամերձ կարծիքներ են հնչում նաև «Սառը պատերազմի» և նրանում ներքաշված պետությունների հարաբերությունների վերաբերյալ: ԿՀԿ վետերան, հետախուզության սպա Միլդտ Բրիտենի կարծիքով «Սառը պատերազմը» ոչ միայն չի ավարտվել, այլ շարունակվում է նոր թափով և ուժերի հավասարակշռությամբ (ՈՐ դիտարկվում է որպես ԽՍՀՄ հետնորդ - Կ.Ժ.) : Խատուկ ծառայությունների գործունեության բնագավառում նախանշելով նորանոր բախումներ (Stet's Brieten M., Secret Warrior, New York., 1995, p.37): Այս տեսակետը տարածված է նաև նախկին ԽՍՀՄ ռազմաքաղաքական շրջանակներում «Հատուկ ծառայությունները «ծնիալ» չեն տեսնում» գաղափարի տեսքով: (Stet Красильников Р. С., Новые крестоносцы ЦРУ и перестройка, Москва, 2003г., стр.433 – 437):

լական Մոսադի հետ դասվում էր համաշխարհային «լավագույն եռյակի» մեջ և հանդիսանում էր Հոգեբանական պատերազմի ռաիվիրաներից մեկը: Ոչ միայն գիտական, այլև պարզ կենցաղային հարաբերություններում առ այսօր շրջանառվում է այն հարցը, թե ուր էր գերիգոր ՊԱԿ-ը, երբ ԽՍՀՄ-ը «փլուզվում էին»:² Վերը ասված խնդիրները լավագույնս հասկանալու համար փորձենք վերլուծել ՊԱԿ-ի վերելքը մինչև 1980-ական թթ.-ի սկիզբը և աստիճանական թուլացումը պայմանավորող գործոնները արդեն 1980-ական թթ.-ի վերջին:

Խնդրո առարկա ժամանակաշրջանից շեղվելով՝ նշենք, որ ՊԱԿ-ի գործունեության մեջ բեկումնային էր 1967 թ., երբ ՊԱԿ-ի ղեկավարությունը ստանձնեց Յու. Վ. Անդրոպովը (ՊԱԿ-ի նախագահ 1967-1982թթ., ԽՍՀՄ ԿԿ առաջին քարտուղար 1982-1984թթ.): Նախքան ԽՍՀՄ ԿԿ առաջին քարտուղարի պաշտոնավարումը, Յու. Վ. Անդրոպովը արմատական բարեփոխումներ իրականացրեց ՊԱԿ-ի ներքին համակարգում, որոնց արդյունքում ՊԱԿ-ի կառուցվածքային 3 ստորաբաժանումների (հետախուզություն, հակահետախուզություն և ռազմական հակահետախուզություն) կողքին հայտնվեց բացառապես նոր տեղեկատվության վերլուծությանը զբաղվող մի բաժանմունք²: Կարևոր էր նաև 1979թ. ահաբեկչության դեմ պայքարի կոչված առանձին ստորաբաժանման հիմնումը, որը հետագայում ստացավ «Ալֆա» անվանումը³: Խորհրդային հետախուզությունը, համագործակցելով ԳՂՀ հետախուզական մարմինների հետ, կարողացավ ժամանակին յուրացնել Արևմուտքի տեխնոլոգիական նորամուծությունները հատկապես ռազմական արդյունաբերության բնագավառում⁴: Իսկ քաղաքական հակահետախուզությունը հաջողությամբ դիմակայեց դեռևս Ի. Վ. Ստալինի մահից հետո ամերիկյան դիվանագիտության կողմից մշակված հատուկ ծրագրերին և Հոգեբանական պատերազմի շրջանակներում իրականացվող գործողություններին⁵: Այս բարեփոխումները հիմք հանդիսացան մինչև 1980-ական թթ. կեսերը ՊԱԿ-ի անխափան և նպատակասլաց գործունեության համար: Սակայն ԽՍՀՄ միահեծան իշխանավորներից ոչ ոք ըստ արժանվույն

² Бобков Ф. Д., КГБ и власть, Москва, 2003, стр. 202 – 203:

³ Նոր հիմնված ստորաբաժանումները լուրջ գործունեություն ծավալեցին 1980թ. Մոսկվայում անցկացվող Օլիմպիական խաղերի ժամանակ: Յու. Վ. Անդրոպովի գլխավորած «Օլիմպիադա 80» կոմիտեի կազմում ընդգրկված էին ՊԱԿ-ի ավելի քան 20000 աշխատակիցներ: Նրանց կողմից իրականացված օպերատիվ միջոցառումների արդյունքում հնարավոր եղավ կասեցնել հատկապես արևմտյան հատուկ ծառայությունների կողմից կազմակերպված մի շարք հոգեբանական և ահաբեկչական ակտերի իրականացումը Մոսկվայում ([http:// ru.wikipedia.org/wiki/1980 – el](http://ru.wikipedia.org/wiki/1980)):

⁴ Секретные материалы 20 века, N22 (252), 2008, стр. 14:

⁵ Яковлев Н. Н., ЦРУ против СССР, Москва, 2003, стр. 190:

չգնահատեց ՊԱԿ-ի դերակատարումը Մեծ քաղաքականության մեջ՝ Յու. Վ. Սնդրոպովի պաշտոնավարման ընթացքում՝ ԽՍՀՄ ԿԿ առաջին քարտուղար Լ. Ի. Բրեժնևը (1964-1982թթ.) ոչ միշտ էր հավանություն

տալիս ՊԱԿ-ի նախագահի ծրագրերին և առաջարկներին, որոնք, անշուշտ, ուղղված էին ԽՍՀՄ պաշտպանունակության ուժեղացման ու ներքաղաքական հակասությունները հաղթահարելուն:

Մեր կարծիքով, 1980-ական թթ. սկզբին ՊԱԿ-ի վերելքը պայմանավորող առաջնահերթ գործոնը Յու. Վ. Սնդրոպովի՝ ՊԱԿ-ի նախագահ լինելն էր: Սակայն 1983 թ. -ից ԽՍՀՄ ղեկավարությունը ոչ միայն չկարողացավ ճիշտ կազմակերպել ՊԱԿ-ի աշխատանքը, այլև դուրս բերել երկիրը փլուզման տանող ճանապարհից: Օբյեկտիվորեն 1980-ական թթ. վերջին ՊԱԿ-ի գործունեությանը խոչընդոտող հիմնական հանգամանքներն էին.

1. «Եռնաթե մառառուող»⁶, որը Արևմուտքում տարեցտարի զարգացող տեխնոլոգիաների պայմաններում այլևս հնարավոր չէր արհեստականորեն պահել, իսկ ՊԱԿ-ի կողմից կատարված բոլոր առաջարկները այս խնդրի կարգավորման հետ կապված ուղղակիորեն չէին ընդունվում ԽՍՀՄ ղեկավարության կողմից⁶:

2. Հույժ գաղտնի տեղեկությունները այն մասին, որ ԽՍՀՄ բարձրաստիճան քաղաքական գործիչները հավաքագրված էին արևմտյան հատուկ ծառայությունների աշխատակիցների կողմից⁷: Ըստ այդ տեղեկությունների, նրանցից ոմանք նույնիսկ հանդես էին գալիս «ազդեցության» գործակալների դերում⁸:

3. ԽՍՀՄ ողջ տարածքում սկիզբ առած ամասելի կաշառակերությունը⁹, որը ներթափանցել էր նաև քաղաքական վերնախավի շրջանակները և նույնիսկ խորհրդամերիկյան հարաբերությունների ասպարեզ: Բավական է միայն նշել ՊԱԿ-ի նախագահ Վ. Վ. Բակատինի անունը, որն իր եռամսյա կառավարման

⁶ Նմանօրինակ առաջարկներից էր փոփոխել իսկայի հայրենական արտադրություն կազմակերպելը, որը վերջ կտար ապօրինի ճանապարհով այս տեխնիկայի ներմուծմանը ԽՍՀՄ: Սակայն այն ընդունվեց ԽՍՀՄ Նախարարների խորհրդի կողմից միայն Յու. Վ. Սնդրոպովի՝ ԽՍՀՄ ԿԿ առաջին քարտուղար դառնալուց հետո (Տե՛ս Бобков Ф. Д., КГБ и власть, Москва, 2003, стр. 226):

⁷ Дроздов Ю. И., Вымысел исключен. Записки начальника нелегальной разведки, Москва, 2000, стр. 47:

⁸ 1980 ական թթ. «ազդեցության» գործակալների հավաքագրումը ԿԳՎ «Գաղտնի գործողությունների» ծրագրի կարևոր բաղադրամասերից մեկն էր: Սյն վերաբերվում էր ամերիկյան հետախուզությանը հետաքրքրող պետության քաղաքական գործիչներին: ԿԳՎ հրահանգավորման համապատասխան փուլերը անցնելուց հետո վերոնշյալ քաղաքական գործիչները պրոամերիկյան լայնամասշտաբ օպերացիաներ էին իրականացնում թե՛ քաղաքական էլիտայի, թե՛ ազգաբնակչության շրջաններում (Տե՛ս Woodward B. Veil, Secret Wars of the CIA 1981-1987, New York, 1987, p. 75):

⁹ Бобков Ф. Д., КГБ и власть, Москва, стр. 211 – 212:

ընթացքում իրականացրեց պետանվտանգության մարմինների կազմալուծումը¹⁰։ Նա ուղղակի «նվիրեց» ԿԴ գործակալներին հույժ գաղտնի տեղեկատվություն պարունակող փաստաթղթեր¹¹։ Եվ մեկ փաստաթուղթ ամբողջացնում էր Մոսկվայում գտնվող ԱՄՆ դեսպանատան տարածքում ՊԱԿ-ի աշխատակիցների կողմից տեղադրված լսողական սարքերի համակարգված սխեման։ Այն հանձնվեց ԽՍՀՄ-ում ԱՄՆ դեսպան Ռիչարդ Ստրաուսին¹²։ Այս քայլը ոչ միայն նյութական մեծ վնաս հասցրեց պետությանը, այլև բացասաբար անդրադարձավ ՊԱԿ-ի աշխատակիցների բարոյահոգեբանական վիճակի վրա։ 4.Ազգային ինքնագիտակցության դրսևորումները, անջատողական գործընթացները և տարածքային ամբողջականության խնդիրը ԽՍՀՄ կազմում գտնվող տարբեր ժողովուրդների միջև։ Ինչպես «Երկաթե վարագույրի» հաղթահարման, այնպես էլ ազգային հարցի հետ կապված պետանվտանգության մարմինների աշխատանքը չէր կոորդինացվում ԽՍՀՄ ղեկավարության կողմից։ Թեժ կետեր կատարված ՊԱԿ-ի աշխատակիցների այցելությունները հիմնականում կրում էին ձևական բնույթ։ Նրանց կողմից մանրամասնորեն չէին ուսումնասիրվում կոնֆլիկտների և բախումների բուն պատճառները, չէին գնահատվում դրանց հետևանքները։ Նման պայմաններում ՊԱԿ-ն ի գործ չէր խաթարելու այն սպառնալիքը, որն ուղղված էր ԽՍՀՄ ժողովուրդների «եղբայրության և բարեկամության» դեմ։ 1980-ական թթ. վերջին ազգային հարցի սրումը իր զագաթնակետին հասավ հատկապես հայ-ադրբեջանական հարաբերություններում¹³։

Վերը ասված հանգամանքների առկայության պայմաններում ՊԱԿ-ն մեծապես ներգործեց ոչ միայն ԽՍՀՄ ազգաբնակչության, այլև հետագայում արդեն անկախացած նախկին միութենական հանրապետությունների ազգային անվտանգությունն ապահովող մարմինների գործունեության վրա։ Հատկանշական է այն փաստը, որ մինչև 1980-ական թթ. կեսերը ԽՍՀՄ ազգաբնակչությունը որոշակիորեն վստահում էր ՊԱԿ-ին՝ համատարած անկարգության պայմաններում այն համարելով միակ պետական կառույցը, որտեղ կարելի էր որոշ հարցադրումների պատասխաններ ստանալ։ Ասվածի ապացույցը Մ. Ս. Գորբաչովի (1985-1991թթ.) խոսքերն են. «Ինչու են մարդիկ գնում ՊԱԿ-ի, այլ ոչ

¹⁰ Վ. Կ. Բակատինը իր կողմից գրված «Избавление от КГБ» գրքում պարզ կերպով նշում է, որ նախքան ՊԱԿ-ի նախագահ դառնալը իրեն Բ. Ս. Ելցինի և Մ. Ս. Գորբաչովի կողմից հանձնարարվել էր մասնատել և փլուզել ՊԱԿ-ն ([http:// ru.wikipedia.org/wiki/1980](http://ru.wikipedia.org/wiki/1980) — e)։

¹¹ Красильников Р. С., Новые крестовосцы ЦРУ и перестройка, Москва, 2003, стр. 375 — 376։

¹² <http://ru.wikipedia.org/wiki/1980> — e։

¹³ Бобков Ф. А., КГБ и власть, Москва, 2003, стр. 302 — 321։

թե ԿԿ-ի ընդունարան»¹⁴։ Սակայն ԽՍՀՄ փլուզմանը նախորդող և հենց այդ ժամանակաշրջանի իրողությունները հիմք հանդիսացան ՊԱԿ-ի համդեպ անվստահության առաջացման համար։ Հենց այս հակասական պատկերի շրջանակներում ձևավորվեց ՊԱԿ-ի ազդեցության մեխանիզմը։ Այդ մեխանիզմը գործում էր *Վախի* և դրանից բխող *Վտանգի* զգացողությունների համադրմամբ։ *Վախի* պորբենատիկան սերտորեն աղերսվում էր ԽՍՀՄ ներքաղաքական հարաբերությունների հետ։ Այդ հարաբերությունների դիտանկյունից ՊԱԿ-ը պատկերվում էր սահմնկեցուցիչ տեսքով։ ՊԱԿ-ի համակարգի աշխատակիցների նկատմամբ լուրջ զգուշավորություն էր ցուցաբերվում հասարակական գործունեության բոլոր բնագավառներում։ Իսկ *Վտանգի* զգացողությունը կապված էր ԽՍՀՄ քարոզչական մեքենայի ներշնչած գաղափարաբանության հետ։ Այն ենթադրում էր արևմտյան «անպիտան» արժեհամակարգի հետ «սովետական քաղաքացիների» չառնչակցվելու լեգենդը¹⁵։ Այս համադրմամբ ստեղծված բարդույթի բթացումն էլ 1980-ական թթ. վերջին դարձավ ՊԱԿ-ի իշխանության լծակների թուլացման պատճառներից մեկը։ Վախի զգացողության բթացումը կապված էր ԽՍՀՄ ներպետական քառույթի հետ, որը նույնիսկ շրջանցվում էր ՊԱԿ-ի կողմից։ Արդյունքում, ՊԱԿ-ն հեղինակագրկվեց և կորցրեց տասնամյակների ընթացքում ԽՍՀՄ ողջ տարածքում ձեռք բերված վստահությունը։ Վտանգի զգացողություն բթացման ազդակներից մեկը հանդիսացավ 1989թ. Մալթա կղզում ԱՄՆ նախագահ Ջորջ Բուշ Ավագի և Մ. Ս. Գորբաչովի հանդիպման ժամանակ վերջինիս կողմից հնչեցված հայտարարությունը։

Ըստ այդ հայտարարության, ԽՍՀՄ-ը ԱՄՆ-ին այլևս չէր համարում իր ռազմական հակառակորդը¹⁶։

Այնուամենայնիվ, այս բարդույթը իր հետևանքները մատնանշեց նաև 1991 թ.-ից հետո։ Հայաստանում այսօր՝ ԽՍՀՄ փլուզումից շուրջ 20 տարի անց

¹⁴ Նույն տեղում, էջ 215։

¹⁵ Լեգենդի հիմքը արտացոլում էր դեռևս 1950-ական թթ. կեսերից սոցիալիստական օրինականության անրապնդման և սոցիալիստական դեմոկրատիայի արժեքների զարգացման միտումները։ Սակայն, ըստ հայտնի ամերիկագետ-պատմաբան Ն.Ն.Յակովլևի, հատկապես Ի.Վ. Ստալինի մահից և «անհատի պաշտամունքի» քննադատությունից հետո գտնվեցին մարդիկ, ովքեր ինչ-ինչ պատճառներով սկսեցին վարկաբեկել խորհրդային կացութածը՝ իրենց համարելով «գաղափարապես» ազատ(Տես Яковлев Н.Н., ЦРУ против СССР, Москва, 2003, стр. 194)։ Արդեն 1980-ական թթ. վերջին «այլախոհությունը» դրսևորեց հակամտերիկյան լեգենդի գաղափարական անկումը խորհրդային հասարակական – քաղաքական մտքում։

¹⁶ <http://www.coldwar.ru/gorbachev.2php>։

ԱՍԾ-ը շարունակվում է ոչ պաշտոնական շրջանակներում անվանվել «ԿԴԵ», իսկ այս համակարգի աշխատակիցները՝ «КГБшник»: Բելառուսում ազգային անվտանգության մարմինները շարունակվում են նախկին ձևով պաշտոնապես կոչվել «ԿԴԵ»: Չարկ է նշել, որ նախկին խորհրդային հանրապետություններում պետական անվտանգության մարմինները դիտվում էին փակ ռեժիմի և պետական անվտանգությունը պաշտպանող քաղաքական ուստիկանության տեսքով¹⁷: Այդ ավանդույթը ժառանգաբար շարունակվում է նաև այսօր: Հատկապես ուսական կինոֆիլմներում հատուկ ծառայությունները պատկերված են հույժ գաղտնի պետական կառույցների տեսքով, իսկ հատուկ գործակալները մարմնավորում են անսահման խելքով, գերբնական ուժով օժտված մարդկանց կերպարներ:

Այսպիսով, 1980-ական թթ. ՊԱԿ-ի՝ հասարակության վրա ունեցած ազդեցության վերլուծությունը կարևոր նշանակություն ունի ինչպես այդ խոշորագույն հատուկ ծառայության անկման, այնպես էլ ԽՍՀՄ փլուզման հարցերը լուսաբանելիս: Կարևոր է նաև այս երկու պատմական իրողությունները պատճառահետևանքային կապով միավորելը և ԽՍՀՄ փլուզումը ՊԱԿ թուլացման դիտանկյունից ուսումնասիրելը: «Սառը պատերազմը» դեռ 1940-ական թթ. վերջից ցույց տվեց, որ ցանկացած երկիր չի կարող գոյություն ունենալ առանց հատուկ ծառայությունների: 21-րդ դարում նույնպես գիտական և տեխնոլոգիական զարգացվածության պարագայում այս մոտեցումը չի կորցրել իր նշանակությունը:

¹⁷ Աղայան Ա., Ազգային անվտանգություն. հասկացությունը, էությունը, ձևավորումը, առաջնահերթությունները, Երևան, 2003, էջ 5: